



Bosnia and Herzegovina
Federation of Bosnia and Herzegovina
CANTON SARAJEVO
Ministry of Internal Affairs

Broj: 01-14-4-3716-4
Sarajevo, 27.09.2019. godine

Na osnovu člana 21. stav (3) tačka c) Zakona o unutrašnjim poslovima Kantona Sarajevo ("Službene novine Kantona Sarajevo", broj 1/16) i čl. 69. stav (1) tačka b) i stav (2) tačka d), 70. stav (1) i (4), a u vezi sa članom 25. Zakona o javnim nabavkama BiH („Službeni glasnik Bosne i Hercegovine”, broj 39/14) - u daljem tekstu: ZJN i preporuke Komisije za javne nabavke Ministarstva unutrašnjih poslova Kantona Sarajevo za 2019. godinu, imenovane Rješenjem broj 05-1-14-4-1920 od 28.03.2019. godine i izmjenom Rješenja broj 05-1-14-4-1920-1 od 12.04.2019. godine u postupku javne nabavke usluga servisiranja klima uređaja, ministar unutrašnjih poslova Kantona Sarajevo, **d o n o s i**

ODLUKU

o poništenju postupka javne nabavke usluga servisiranja klima uređaja

I

Poništava se postupak javne nabavke usluga servisiranja klima uređaja, pokrenut na osnovu Odluke broj 01-14-4-3716 od 28.06.2019. godine, i to:

- LOT 1 – klima uređaji (Maxon, Vivax, Gorenje, Tesla, LG, Bosch, Haier, York)
- LOT 2 – klima sistem MC QUAY 125KW
- LOT 3 – klima sistem "KLIMAVELTA" 36,8 KW
- LOT 4 – klima sistem "HIDRIA" IPM Klima

II

Obavezuje se Komisija da u skladu sa Zakonom o javnim nabavkama BiH pokrene novi postupak javne nabavke usluga servisiranja klima uređaja.

III

Ova odluka stupa na snagu danom donošenja.



Obrazloženje

Na osnovu Odluke broj 01-14-4-3716 od 28.06.2019. godine i Obavještenja o nabavci broj: 1364-1-2-35-3-24/19 od 19.07.2019. godine kao i Ispravke obavještenja o nabavci broj 1364-1-2-35-8-27/19 od 02.08.2019. godine i 1364-1-2-35-8-30/19 od 09.08.2019. godine, proveden je otvoreni postupak javne nabavke usluga servisiranja klima uređaja.

Javno otvaranje ponuda izvršeno je dana 14.08.2019. godine u 12:00 sati, što je konstatovano zapisnikom sa otvaranja ponuda od 14.08.2019. godine.

Dostavljanje Zapisnika sa otvaranja ponuda je izvršeno prema učesniku u postupku nabavke u zakonskom roku, nakon čega je Komisija pristupila analizi dokumentacije priložene uz ponudu u smislu provjere njene validnosti obzirom na iskazane zahtjeve ugovornog organa u tenderskoj dokumentaciji, odnosno vrednovanju ponude u skladu sa procedurama i pravilima utvrđenim tenderskom dokumentacijom, ZJN i pripadajućim podzakonskim aktima o čemu je sačinjen Zapisnik o pregledu i ocjeni ponuda od 26.09.2019. godine.

Komisija je utvrdila da u postupku nabavke nije bilo postavljeno niti jedno pitanje, a da je tendersku dokumentaciju preuzelo 16 ponuđača.

Ponudu je dostavio samo jedan ponuđač, „Inter-com“ d.o.o Zenica sa ponudom u iznosu od 13.707,22 KM sa uključenim PDV-om, i to za:

- LOT 1 – 1.866,20 KM
- LOT 2 – 1.072,00 KM
- LOT 3 – 7.179,01 KM
- LOT 4 – 3.590,01 KM

Zaključeno je da je ponuđač dostavio blagovremenu, pravilno uvezanu i računski ispravnu ponudu.

Međutim, prilikom analize dostavljene dokumentacije, utvrđeno je da je ponuđač, prema članu 50. ZJN, dostavio listu izvršenih ugovora koja sadrži ugovore za nabavku, isporuku i servisiranje klima uređaja, međutim dostavljene su dvije potvrde o dobrom izvršenju ugovora koje se odnose na nabavku i ugradnju klima uređaja ali niti jedna za servisiranje klima uređaja što je bio predmet nabavke.

Pored toga, procjenjena vrijednost nabavke i vrijednost ponude za LOT 1 i LOT 2 se znatno razlikuju, odnosno ponuđena je neprirodno niska cijena usluga servisiranja za navedene LOT-ove.

S tim u vezi konstatovano je da ponuda ne ispunjava sve uslove predviđene tenderskom dokumentacijom i da formalno-pravno nije ispravna ni kvalifikovana.



web: <http://mup.ks.gov.ba>
e-mail: ministar@mup.ks.gov.ba
Tel: + 387 (0)33 286-701, 286-702,
Fax: + 387 (0)33 226-445
Sarajevo, La Benevolencije 16



Shodno naprijed navedenom i utvrđenom činjeničnom stanju, a u skladu sa čl. 65. i 70. Zakona o javnim nabavkama BiH („Sl. glasnik BiH“ broj 39/14), Komisija jednoglasno daje preporuku ministru MUP-a KS da donese odluku o poništenju postupka nabavke usluga servisiranja klima uređaja.

Cijeneći naprijed navedeno riješeno je kao u dispozitivu.

POUKA O PRAVNOM LIJEKU:

Protiv ove odluke dopuštena je žalba koja se podnosi Ugovornom organu u roku od 10 (deset) dana od dana prijema Obavijesti, a u skladu sa članom 99. i 101. Zakona o javnim nabavkama BiH.



DOSTAVITI:

1. Ponuđaču,
2. Upravi podrške,
3. Komisiji,
4. Kabinetu ministra - stručni savjetnik za odnose s javnošću,
5. a/a.



web: <http://mup.ks.gov.ba>
e-mail: ministar@mup.ks.gov.ba
Tel: + 387 (0)33 286-701, 286-702,
Fax: + 387 (0)33 226-445
Sarajevo, La Benevolencije 16

